

Proceedings of International Educators Conference

Hosted online from Rome, Italy.

Date: 25th September - 2024

ISSN: 2835-396X

Website: econferenceseries.com

O‘ZBEK VA QORAQALPOQ TILLRIDAGI SOHAGA OID TERMINLARINING GRAMMATIK-STRUKTURAL XUSUSIYATLARI (veterinariya terminlari misolida)

O‘razboyev Olimjon Rustam o‘g‘li

Berdaq nomidagi Qoraqalpoq davlat universiteti

Annotatsiya

Ushbu maqolada veterinariyaga oid terminlarning yasash usul va yo‘llari haqida ma‘lumot beriladi. Shu bilan birga veterinariya terminologiyasida sodda terminlar asosida ko‘plab yasama terminlar yasalishi haqida fikr yuritiladi va misollar bilan asoslanadi.

Kalit so‘zlar: o‘zlashma so‘zlar, semantik, morfologik, sintaktik, affiks, veterinariya, termin, ijtimoiy fanlar, qo‘shma so‘zlar.

Abstract

This article provides a brief overview of the formation and construction of veterinary terms. Moreover, the article considers veterinary terminology in terms of justification and construction based on simple terms and examples.

Keywords: adjectives, semantics, morphology, syntax, affixes, veterinary, terminology, social sciences, compound words.

Terminologiyaga bag‘ishlangan ishlarning barchasida u yoki bu sohaning muayyan tushunchalarini anglatadigan, asosan, nominativ funksiyani bajaradigan birliklar termin hisoblanadi deb qaraladi. Hozirgi vaqtda terminologiya masalasining o‘sib borishi, bir tomondan ilm-fan, qishloq xo‘jaligi, iqtisodiyotning dinamik rivojlanishi tufayli yangi tushunchalarning ko‘payib borilishi deb qaralsa, ikkinchi tomondan, terminlarning shakllanish jarayoni rivojlanishi va funksiyasi kabi masalalarni chuqurroq o‘rganilishi zarurligi bilan izohlanadi. So‘z ko‘p ma‘noga, ya‘ni qo‘shimcha ma‘nolarga ega bo‘ladi, lekin termin bunday xususiyatga ega emas. Termin ham so‘z, ammo u odatdagi so‘zlardan ma‘nosining aniqligi, bir ma‘noliligi bilan farqlanadi. Termin ma‘lum sohada, shu soha vakillari nutqida qo‘llaniladi. Masalan: *infeksiya*, *infeksion kasallik*,



Proceedings of International Educators Conference

Hosted online from Rome, Italy.

Date: 25th September - 2024

ISSN: 2835-396X

Website: econferenceseries.com

mutualizm, mikroorganizm, ekzotoksin, parazit, invazion kasalliklar, gelmintoz, qo'zg'atuvchi bakteriya kabi terminlar veterinariya sohasida uchraydi. Terminlar ham so'zlar kabi ichki va tashqi imkoniyatlar asosida hosil qilinadi. Shuning uchun terminlarni sodda, qo'shma, juft turlarga bo'lishdan asosiy maqsad, ularni bir-biridan farqlash, ajratishdir. Bu terminlar ko'rinishi jihatidan bir-biridan farq qilsada, lekin terminlik xususiyatini yo'qotmaydi. Sodda terminlar tarkibida so'z yasovchi va so'z o'zgartiruvchi affikslarning bor-yo'qligiga qaramay, yolg'iz bir o'zakdan, yoki negizdangina paydo bo'lgan, birgina lug'aviy ma'noli qism bo'lgan so'z hisoblanadi. Masalan, *burga, o'choq, agar, zardob, krizis, oila* kabi so'zlarni bunga misol tariqasida keltirishimiz mumkin. Yolg'iz o'zakdan hosil bo'lgan terminlar bu tub terminlar hisoblanadi, bularga faqatgina lug'aviy va so'z o'zgartiruvchi qo'shimchalar qo'shilishi natijasida ham hosil bo'lishi mumkin. Masalan *aviditet, agamma, agoniya, anabioz, antidote, batilla, bezlar, biopsiya, bubon, vibrios, viruriya, gidroliz, dezobarer, destruksiya, dupleks, ikosayedr, idiosoma, izogametalar, ingibirotlar, iridoviruslar, kapsid, yo'tal, kaverna, karbunkul, katabolizm, klon, lateks, leykoz, lizis, mallein, migratsiya, mog'orlar, mutatsiya, nukleoid, parez, passaj, piyemiya, popullyatsiya, properdin, retinok, rinit, rozeolalar, sanatsiya, simbioz, sporalar, stress, suspenziya, tenezimlar, tarsduksiya*, kabi so'zlar tub terminlarga misol bo'ladi. Sodda yasama terminlar tub terminlarga biror yasovchi affiksning qo'shilishi bilan hosil bo'lgan terminlardir. Masalan: *avidlik, antigenlik, bakteriotsiogenlik, bepushtlik, virurentlik, immunlash, kasallik, kaprinlashganlik, kamqonlik, klonlash, konservalash, kruponlash, kulturalash, letallik, leofillash, maleinlash, insidentlik, immunogenlik, darsobvallah, oriqlash, parazitlik, patagenlik, polimorflik, reaktogenlik, regitlik, sterillash, fumigatsiyalash, chidamlilik, enzotiklik, tindalash, dispanserlash* kabi so'zlar yasama terminlarga misol bo'la oladi. Demak, yasama terminlar tub terminlardan so'z yasovchi qo'shimchani olishi bilan farqlanadi, bu esa so'zning ma'nosini tubdan o'zgarishiga asos bo'lib xizmat qiladi. Xalq tilida ham ana shunday holat kuzatiladi, chunki har qanday so'z yasovchi qo'shimcha so'zga qo'shilganida yangi ma'no ifodalaydi. Terminlarga ham so'z yasovchi affiksni qo'shganimizda ulardagi ma'nosiga o'zgarish kirishini kuzatishimiz mumkin. Shu sababli har qanday affiks yasama terminlarni hosil qilish xususiyatiga ega emas. Qo'shma terminlar. Bunday terminlar birdan ortiq o'zak birikuvidan iborat qo'shma so'zlar hisoblanadi. Umuman olganda qo'shmateminlar



Proceedings of International Educators Conference

Hosted online from Rome, Italy.

Date: 25th September - 2024

ISSN: 2835-396X

Website: econferenceseries.com

ikki va undan ortiq sodda terminlarning birikuvidan tuzilgan terminlar hisoblanadi. Qo'shma terminlar ham qo'shma so'zlardek o'z qatlam so'zlaridan, boshqa til materiallaridan hamda har ikkala manbalarning o'zaro qo'shiluvi natijasida yasaladi. O'zbek va qoraqalpoq tillari materiallari asosida yuzaga kelgan qo'shma terminlar asosan umumiste'moldagi tayyor qo'shma so'zlarning ilmiy termin, yoki nomen sifatida terminologik tizimlarga qabul qilinishidan hosil bo'ladi. Bunday reja asosida qo'llanuvchi leksik birliklar ko'proq xalq tili bilan bo'g'liq holda rivojlangan terminologik sistemalarda tez-tez uchraydi. Masalan, o'z ona tilimizdagi so'zlardan ya'ni materiallardan tuzilgan qo'shma terminlar ayni ruscha terminlarni to'liq kalkalash jarayonida ham yuzaga kelishimumkin. Bizga ma'lumki, o'zbek va qoraqalpoq xalqi qadimdan boshqa xalqlar bilan hamkorlik qilishni yaxshi ko'radigan, qo'shnichilikka e'tibor qilib yashab kelgan. Shu boisdan tilimizda ba'zi so'zlarning arabcha, forscha yoki ruscha-baynalmilal bo'lgan, hatto har ikkala qismi ham muayyan til materialidan yasalgan qo'shma so'zlar va terminlar uchrashi mumkin. Qo'shma terminlar ham qo'shma so'zlar kabi o'z qatlam so'zlaridan, boshqa til materiallaridan hamda har ikkala manbaning o'zaro qo'shilishidan yasaladi. O'zbek va qoraqalpoq tillari materiallari asosida yuzaga kelgan qo'shma terminlar asosan umumiste'moldagi tayyor qo'shma so'zlarning ilmiy termin yoki nomen sifatida terminologik tizimlarga qabul qilinishi mahsulidir. Demak, qo'shma terminlarning komponentlari genetik materialiga ko'ra ikki xil ko'rinishi mavjud: 1) bir tildagi qatlamga mansub so'z birliklaridan hosil etilgan qo'shma terminlar: tabiiy oziqa, umumiy holsizlik, to'qimalar kesmasi, nafas olish zanjiri, yog'larning hazmlanishi 2) turli tillarga mansub so'z birliklaridan hosil etilgan qo'shma terminlar: *vitaminsimon moddalar, biologik kod, monoaminodikarbon kislota* terminlar o'z va o'zlashma bo'ladi. O'zbek va qoraqalpoq tillariga boshqa tillardan o'tgan terminlar o'zlashma terminlar hisoblanadi. Masalan, *butan, kavalent, efir, kislota* kabi terminlar o'zlashma qatlamga mansub bo'lsa; kuchlanish, tuz, eritma, oshqozonosti bezi kabi terminlar o'z qatlamga mansub hisoblanadi. Qo'shma terminlar o'zbek va qoraqalpoq tillarida ot+ot, sifat+ot, son+ot, ot+fe'l shaklidagi formula orqali hosil qilish mumkin. Masalan, ot+ot shaklidagi *mikrobiologiya, mikroorganizmlar, mikrosporiya, neyrominidaza, neyrotrop, koronavirus, immunodifuziya, imminodiagnostika, immunoprofilaktika, yo'riqnoma, lissoviruslar, ultrafiltrlash, fagoterapiya, fagosiyoz, flaviviruslar,*



Proceedings of International Educators Conference

Hosted online from Rome, Italy.

Date: 25th September - 2024

ISSN: 2835-396X

Website: econferenceseries.com

fotobakteriyalar, neyrogen; sifat+ot shakliga qorason, oqqon kabi soʻzlarda sifatning otga qoʻshilishi natijasida yangi bir maʼnoni ifodalovchi soʻz hosil qilinadi. Bu kabi misollarni yanada koʻplab keltirishimiz mumkin. Lekin veterinariya terminlarida ot+feʼl shaklidagi qoʻshma terminlarni juda ham kam uchramiz. Juft terminlar. Juft terminlar ikki soʻzning juftlanishi asosida hosil boʻladi. Biz tadqiqot davomida juft terminlarga kam duch keldik. *Agamma-globulinemiya, alfa-virus, andrede-indikator, veterinariya-sanitariya, diffenbax-grefe, differensial-diagnostik, smedi-viruslar* kabi soʻzlarni juft terminlarga misol tariqasida keltirishimiz mumkin. Kuzatishlardan maʼlum boʻladiki, besh va undan ortiq tarkibli termin-birikmalar uchramaydi hamda sodda terminlar va termin-birikmalar yetakchi oʻrinda boʻlgani holda, qoʻshma va juft terminlar miqdori juda kam hajmni tashkil etadi. Mavjud veterinar va lingvistik terminlar tizimidagi murakkab terminlarning aksariyati umumnutqda soʻz birikmasi sifatida ham ishlatiladi va ular tarkibidagi har bir lugʻaviy maʼnoli birlik oʻz avtosemantikligini saqlab qoladi. Xulosa shuki, maqolada veterinariya terminlarining grammatik-struktural xususiyatlari oʻrganildi. Sohaga oid terminlarning oʻz va oʻzlashgan qatlami haqida maʼlumot berildi. Terminlar ham soʻzlar kabi ichki imkoniyatlar asosida va tashqi imkoniyatlar asosida olinishi mumkinligi veterinariya terminlari misolida oʻrganildi. Terminlar yasalishiga alohida eʼtibor qaratildi. Sodda, tub, sodda yasama, qoʻshma terminlar izohlab berildi.

Foydalanilgan adabiyotlar roʻyxati

- 1.H.S. Salimov, B.Sayitqulov, I.S.Salimov-Veterinariya mikrobiologiyasi, virusologiyasi, epizootologiyasiga oid izohli lugʻat-T. 2013
2. Madvaliyev A Oʻzbek terminologiyasi va leksikografiyasi masalalari. –Toshkent: OʻzME, 2017.
- 3.Qarshiboyeva. Z.Veterinariya sohasidagi ayrim terminlar imlosi masalasi. “Veterinariya sohasini rivojlantirishda ijtimoiy-gumanitar fanlarning oʻrni” mavzusida Respublika ilmiy-amaliy konferensiyasi.(2023-yil 7-aprel)
- 4.Y. Shaymanova. Z. Qarshiboyeva. Rus olimi Samoylovichning sharq tillarini oʻrganishga qoʻshgan hissasi.Oriental renaissance: Innovative, educational, natural and social sciences... 2022
- 5.Ergashevna, A. M. (2023). Creative teaching methods for students of non-philological universities. Academia Science Repository, 4(5), 123-126.

